



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1431. usque ad annum 1441

Fleury, Claude

August. Vind. [u.a.], 1768

VD18 90118316

§. 27. Responsum Eugenii ad Legatorum rationes.

[urn:nbn:de:hbz:466:1-66426](https://nbn-resolving.org/urn:nbn:de:hbz:466:1-66426)

fium a Salvatore, & Henricum de Diest, Sæcul. XV.
A. C. 1436.
 utrumque Theologiæ Doctorem ad Eugenium Papam decrevit, ut eundem de conventis certio- rem redderent. Equidem Oratores isti nulli pepercerunt labori, ut rationibus omni ex parte conquisitis Pontificem in suam traherent sententiam; studiose in memoriam revocabant, quod ipsemet paulo ante Avenionensem civitatem designasset, utpote locum celebrandæ Oecumenicæ Synodo aptissimum. Instanter urgebant, ut ipse, prout pluries iteratis suis literis promisisset, tanto negotio feliciter perficiendo operam suam jungere, & ad locum Concilii per seipsum accedere vellet, concordi cum Patribus studio indulgentias promulgaturus, ac præscripturus decimas, quarum subsidio necessarii sumptus suppeditari possent. Præterea illum obtestabantur, ut Prælatos & Doctores Synodo interfuturos, quo & ipsi advenientibus Græcis in loco Concilii comparerent, adhortaretur, ac omnibus per status Ecclesiastici terras profecturis publicæ fidei tabulas concederet, quas pariter Imperator, Reges, ceterique Principes se daturus promisissent.

§. XXVII.

Responsum Eugenii ad Legatorum rationes.

Eugenius Oratorum postulatis respon- An. 1437.
 surus,

Sæcul. XV.
A. C. 1437.

furus, Bullam condere noluit, sed duntaxat oretenus spondit, se Synodo animi sui sententiam per Joannem Archiepiscopum Tarentinum Legatum suum, qui proxime Basileam venturus esset, declaraturum. Sub idem tempus Bonaventuræ Abbas, & Raymundus Taloni, quos Synodus pariter delegaverat, supremam manu pacto cum Avenionensium Oratoribus inito imposuerunt. Inter eos enim conventum erat, ut Avenionenses præter illa sex Ducatorum millia, quæ jamjam Triremium Præfecto numerata erant, residua etiam septuaginta, quæ promississent, millia suppeditarent, postquam Synodus solemne condidisset decretum, quod omnino Basileensis vel Avenionensis, aut quædam alia civitas intra Sabaudiam sita in locum Concilii seligenda firmaretur; Avenionensibus autem permitteretur, ut omne id, quod ex indulgentiis, ac decimis nuper injunctis proveniret, per quosdam ad id muneris designandos percipere possent, iisdem emolumentis usque ad integram prædictæ summæ numerationem pignoris loco retinendis.

§. XXVIII.

Adventus cujusdam Legati Græcorum ad Synodum.

Dum hæc geruntur, Imperator Græcorum